


| | | |
|-----------------------------------|--|--|
| Nr.: VRL 047VLR-047 | 02 Verklagsregla |  VATNAJÖKULSPJÓÐGARÐUR |
| Útgáfa: 0.4 | | |
| Dags.: 28.01.2020 | | |
| Höfundur: Ingibjörg Smáradóttir | VLR-047 Umsókn um rannsóknarleyfi_DRÖG | |
| Ábyrgðaraðili: Magnús Guðmundsson | | |
| Síða 1 af 4 | | |

1. Tilgangur og gildissvið


Eitt af markmiðum með stofnun Vatnajökulsþjóðgarðs er að stuðla að rannsóknum á svæðinu, sbr. 1. mgr. 2. gr. laga um Vatnajökulsþjóðgarð nr. 60/2007.


Samkvæmt 1. mgr. 38. gr. reglugerðar um Vatnajökulsþjóðgarð **nr. ...** skal till kynna og/eða afla leyfis þjóðgarðsvarðar vegna allra verkefna sem kalla á aðstöðu, mannafla eða meðferð tækja í þjóðgarðinum, þ.m.t. vegna rannsókna innan þjóðgarðsins. Sækja þarf um leyfi samkvæmt þessu fyrir allar rannsóknir á náttúrufari og menningarminjum í Vatnajökulsþjóðgarði sem eru ekki á vegum þjóðgarðsyfirvalda eða hluti af framkvæmd samþykkrar stjórnunar- og verndaráætlunar þjóðgarðsins.

Tilgangur verklagsreglunnar er að upplýsa umsækjanda um þær kröfur sem gerðar eru til umsókna og umsóknargagna og hvaða kröfur þarf að uppfylla til að leyfi fái útgefið. Þá er jafnframt tilgangur verklagsreglunnar að kynna fyrir umsækjanda hvaða verklag er viðhaft við móttöku og meðferð umsókna innan stjórnarsýslu Vatnajökulsþjóðgarðs.

Þeir sem hyggjast stunda rannsóknir innan þjóðgarðsins þurfa jafnframt að gæta að því að sækja um tilskilin leyfi til rannsókna frá öðrum aðilum, svo sem ef um er að ræða rannsóknir á örverum á jarðhitasvæðum, sbr. 34. gr. laga nr. 57/1998, rannsóknir á steingervingum, sbr. 60. gr. laga um náttúruvernd nr. 60/2013, eða rannsóknir á friðlýstum plöntu- eða dýrategundum. Ef flytja á út náttúrugripi (rannsóknarsýnið getur fallið undir hugtakið náttúrugripur) þarf leyfi Náttúrufræðistofnunar Íslands, sbr. 15. gr. laga nr. 60/1992.

2. Framkvæmd



| | | |
|--------------------------------------|---|--|
| Nr.: VRL 047VLR-047 | 02 Verklagsregla |  VATNAJÖKULSPJÓÐGARÐUR |
| Útgáfa: 0.4 | | |
| Dags.: 28.01.2020 | | |
| Höfundur: Ingibjörg Smáradóttir | VLR-047 Umsókn um rannsóknarleyfi_DRÖG | |
| Ábyrgðaraðili: Magnús Guðmundsson | | |
| Síða 2 af 4 | | |

3. Umsókn og umsóknargögn

Sá sem óskar eftir leyfi vegna vísindarannsókna skal fylla út rafræna umsókn sem er aðgengileg er á vef Vatnajökulsþjóðgarðs www.vjp.is, undir Mínar síður. Í umsókninni skal koma fram lýsing á fyrirhuguðum rannsóknnum sem óskað er leyfis fyrir og staðsetning þeirra, sem og eftir atvikum upplýsingar um áætlaðan fjölda starfsmanna, fyrirhugaða aðstöðu og tækjabúnað, tímasetningu rannsóknar og tímalengd. Sækja skal um leyfi með minnst 30 daga fyrirvara. Starfsmenn Vatnajökulsþjóðgarðs skulu leiðbeina umsækjanda um hvaða gögn skulu fylgja umsókn og geta ávallt óskað eftir að lagðar verði fram frekari upplýsingar og skýringar varðandi framkvæmd og fyrirkomulag.

Í atvinnustefnu Vatnajökulsþjóðgarðs er sett fram sú stefna að umsóknir um leyfi feli í sér öflun upplýsinga m.a. um tegund og umfang starfsemi, hvar hún fari fram, starfsstöðvar og tengiliði auk mats á mögulegum áhrifum leyfisskyldrar starfsemi á umhverfið og aðra gesti. Ósk um upplýsingagjöf umsækjanda getur komið til vegna þessarar gagnasöfnunar.

4. Meðferð umsókna


Umsækjandi fær senda staðfestingu á móttöku umsóknar um leið og hún hefur borist þjóðgarðinum. Þjóðgarðsvörður á viðkomandi svæði ber ábyrgð á meðferð málsins og afgreiðslu umsókna. Telji þjóðgarðsvörður að upplýsingar vanti hefur hann samband við umsækjanda eins fljótt og unnt er og óskar eftir frekari gögnum og upplýsingum. Þjóðgarðsvörður getur óskað hvers konar upplýsinga og skýringa vegna umsóknarinnar. Samskipti við umsækjanda fara fram í gegnum umsóknarvef (mínar síður). Ef gögn berast ekki innan þess frests sem gefinn er fær umsækjandi bréf um lok málsins. Vatnajökulsþjóðgarður svarar umsóknum eins fljótt og kostur er og ekki síðar en fjórum vikum eftir að umsókn berst.

Þjóðgarðsvörður tekur ákvörðun um veitingu leyfis með hliðsjón af öryggissjónarmiðum, verndarmarkmiðum þjóðgarðsins og stjórnunar- og verndaráætlun. Um mat á umsóknum gilda m.a. lög um Vatnajökulsþjóðgarð, reglugerð um Vatnajökulsþjóðgarð, náttúruverndarlög nr. 60/2013 og reglugerðir sem settar eru samkvæmt þeim og stjórnunar- og verndaráætlun Vatnajökulsþjóðgarðs. Við meðferð máls er stjórnarsýslulögum nr. 37/1993 fylgt. Ef mat á umsókn leiðir til þess álits þjóðgarðsvarðar að framkvæmd rannsóknar samræmist ekki framangreindum sjónarmiðum, ákvæðum hlutaðeigandi laga og reglugerða, stjórnunar- og verndaráætlunar fyrir þjóðgarðinn eða ef þjóðgarðsvörður telur að hún muni valda spjöllum eða raska lífríki, jarðmyndunum og landslagi innan þjóðgarðsins, sbr. 1. mgr. 14. gr. laga um Vatnajökulsþjóðgarð, er umsækjanda sent bréf þar sem honum er gefinn kostur á að koma að athugasemdum og frekari gögnum. Leiði svör umsækjanda ekki til breytinga á áliti þjóðgarðsvarðar er umsækjanda sent annað bréf þar sem umsókn er synjað.

Ef umsókn er samþykkt er útbúið leyfisbréf þar sem umbeðin rannsókn er heimiluð. Setja má þau skilyrði fyrir leyfisveitingu sem talin er þörf á, svo sem um umgengni og takmarkanir og skulu þau tilgreind í leyfisbréfi.

Útgefin leyfi eru birt á vef Vatnajökulsþjóðgarðs.

5. Skyldur leyfishafa og eftirlit með framkvæmd

| | | |
|---|---|---|
| Nr.: VRL 047VLR-047 | 02 Verklagsregla |  |
| Útgáfa: 0.4 | | |
| Dags.: 28.01.2020 | | |
| Höfundur: Ingibjörg Smáradóttir | VLR-047 Umsókn um rannsóknarleyfi_DRÖG | |
| Ábyrgðaraðili: Magnús Guðmundsson | | |
| Síða 3 af 4 | | |

Leyfishafi skal hafa leyfisbréf tiltækt á vettvangi þeirrar rannsóknar sem heimiluð hefur verið og framvísa því við starfsmenn þjóðgarðsins ef þess er óskað.


Leyfishafa ber að fylgja skilmálum leyfis og kynna sér og virða ákvæði laga um Vatnajökulsþjóðgarð, ákvæði reglugerðar um þjóðgarðinn, svo og ákvæði stjórnunar- og verndaráætlunar. Leyfishafi og starfsfólk hans skulu ganga vel um náttúru þjóðgarðsins og menningarminjar og sýna ýrtruðu varúð og tillitssemi svo að náttúru, menningarminjum og mannvirkjum þjóðgarðsins verði ekki spillt, sbr. 1. mgr. 9. gr. reglugerðar um Vatnajökulsþjóðgarð.

Hlíta ber fyrirmælum þjóðgarðsvarða og annarra starfsmanna þjóðgarðsins um umgengni og háttsemi í þjóðgarðinum, sbr. 2. mgr. 9. gr. reglugerðar um Vatnajökulsþjóðgarð Þjóðgarðsverði er heimilt að stöðva rannsókn eða athafnir henni tengdar ef sýnt þykir að hún geti og/eða hafi haft neikvæð áhrif á náttúru- og menningarminjar og mannvirki þjóðgarðsins og er jafnframt heimilt að vísa leyfishafa, starfsfólki hans eða gestum á hans vegum úr þjóðgarðinum brjóti viðkomandi gegn ákvæðum laga um Vatnajökulsþjóðgarð eða reglugerðar þjóðgarðsins. Brot gegn lögnum og reglugerðum settum samkvæmt þeim varða sektum eða fangelsi allt að tveimur árum.

Þjóðgarðsvörður og annað starfsfólk þjóðgarðsins í umboði hans hafa eftirlit með því að leyfishafi virði skilyrði leyfisins og ákvæði þeirra laga og reglugerða sem gilda um framkvæmd rannsóknarinnar. Leyfishafa ber að veita þjóðgarðsverði allar þær upplýsingar og gögn sem þjóðgarðsvörður telur þörf á til að rækja eftirlitshlutverk sitt. Leyfi falla úr gildi ef ekki er farið eftir skilyrðum leyfis.

Heimilt er að hafa eftirlitsmann á vettvangi þar sem rannsókn fer fram telji þjóðgarðsvörður þess þörf vegna verndunarsjónarmiða og skal það þá tilgreint í leyfisbréfi. Leyfishafi greiðir fyrir það samkvæmt gjaldskrá.

Þess er óskað að niðurstöður rannsókna, skýrslur og tengt efni verði sent til þjóðgarðsins. Þá er kynningarefni um rannsóknir fyrir gesti þjóðgarðsins í útdrætti á einblöðungi, á veggspjöldum eða í formi fyrirlestra, vel þegið. Óskað er eftir þessum upplýsingum með vísan til 2. gr. reglugerðar um Vatnajökulsþjóðgarð þar sem fram kemur að í þjóðgarðinum skuli veita fræðslu um náttúru og náttúruvernd, sögu, mannlíf og menningarminjar svæðisins og stuðla að rannsóknum til að efla þekkingu á þessum þáttum.

| | | |
|-----------------------------------|--|---|
| Nr.: VRL 047VLR-047 | 02 Verklagsregla |  |
| Útgáfa: 0.4 | | |
| Dags.: 28.01.2020 | | |
| Höfundur: Ingibjörg Smáradóttir | VLR-047 Umsókn um rannsóknarleyfi_DRÖG | |
| Ábyrgðaraðili: Magnús Guðmundsson | | |
| Síða 4 af 4 | | |

6. Tilvísanir

- Lög um Vatnajökulsþjóðgarð, nr. 60/2007.
- Reglugerð um Vatnajökulsþjóðgarð, nr. ...
- Reglugerð um gestagjöld innan Vatnajökulsþjóðgarðs fyrir veitta þjónustu og aðgang að svæðinu, nr. 420/2019.
- Náttúruverndarlög nr. 60/2013.
- Stjórnsýslulög, nr. 37/1993.
- Upplýsingalög, nr 140/2012.
- Lög um rannsóknir og nýtingu á auðlindum í jörðu, nr. 57/1998.
- Lög um Náttúrufræðistofnun Íslands, nr. 60/1992.
- Stjórnunar- og verndaráætlun Vatnajökulsþjóðgarðs.
- Atvinnustefna Vatnajökulsþjóðgarðs, dags. 24. júní 2019